

THANKGOLOLO YA KGWEDI YA BODIREDIPUSO

PUO YA GA TONA NOXOLO KIVIET

Bomme le Borre,

badiramмого ba ba tlotlegang, le

maloko a a botlhokwa a setšhaba sa rona,

Gompieno e tshwaya kopano ya mantswe a mantsi, dihisetori, le diponelopele fa re simolola Kgwedi ya Bodiredipuso. Go boeletsa se se builweng ke Helen Keller, fa re le esi re ka dira go le gonnye, fa re le mmogo re ka dira go le gontsi." Kgwedi eno e emela maikemisetso a rona a a kopanetsweng go oketsa tirisanommogo gareng ga puso le batho ba yona.

Kwa tshimologong, go botlhokwa go anaanela le go amogela medi ya PSM. Kgwedi ya Bodiredipuso ke lekala la Letsatsi la Aforika la Bodiredipuso, tesetamente ya ponelopele le boineelo jwa Kgolagano ya Aforika mo go rotloetseng bodiredipuso e e gaisang mo Aforika. Kontinente ya rona fa e sa le kwa pele mo go lemogeng maatla a tirelo, kopano, le tirisanommogo.

Go a itumedisa go bona gore se se simolotseng e le setlogelo sa Aforika jaanong se amogetswe le go ketekwa mo maemong a lefatshe lotlhe ke Ditšhabakopano. Kamogelo e ka lephata le legolo la boditšhaba la lefatshe e gatelela go tshwana ga lefatshe ga metheo e re e rotloetsang le go godisa molaetsa ya gore maikaelelo a tirelo, maitlamo, le boitekanelo jwa setšhaba e le ruri ga a nne le melelwane.

Badiramмого ba ba tlotlegang, le

maloko a a botlhokwa a setšhaba sa rona,

Kgwedi eno ga se fela keteko ya kgaolo, fela kamogelo ya lefatshe ya boineelo le boitshoko jwa badiredipuso gongwe le gongwe. Go feta fao, go botlhokwa go ela tlhoko gore Kgwedi eno ya Bodiredipuso e nna le botlhokwa jo bogolo mo Aforikaborwa ngwaga ono. Re na le tshiamelo ya go keteka PSM morago ga lobaka lwa tiro e kgolo, ka setšhaba sa rona se ne se tshwere baemedi ba ba botlhokwa ba baeteledipele ba lefashe ba ba neng ba le fa mo Sedikeng se se sa tswang go konosetswa sa BRICS. Kopano e ga se fela kopano e e tlwaelegileng, fela ke tesetamente ya seabe se se botlhokwa sa Aforikaborwa le maatla mo mererong ya lefatshe. Bokgoni jwa setšhaba sa rona go keteka boineelo jwa tirelopuso le go tshwara sedika se segolo jaana ka nako e le nngwe go bontsha boineelo jwa rona jwa maemo a a gaisang a fa gae le boeteledipele jwa boditšhaba. E re gakolola ka moo maemo a Aforikaborwa a golang mo lefatsheng lotlhe, le ka moo maiteko a rona a selegae le maikaelelo a lefatshe lotlhe a gokaganeng ka teng.

Sir Isaac Newton o ne a re, "Fa ke bonetse kgakala, ke ka go ema mo magetleng a mekaloba." Le rona, re ema mo metheong e e dirilweng ke bao ba ba tlileng pele ga rona mme re leka go atolosa boswa jwa bona. Thulaganyo ya PSM ga se itshimololelo fela ya puso; ke tesetamente ya tumelo ya rona ya botlhale jo bo kopaneng jwa batho ba rona.

Stephen R. Covey o ne a akgela jaana ka botlhale, "Tirisanommogo e botoka go feta tsela ya me kgotsa tsela ya gago. Ke tsela ya rona." Nopolo e e akaretsa boleng jwa gore goreng mokgwa o o tshwaraganeng wa PSM o le botlhokwa thata. Go na le ditogamaano tse di aroganeng le maiteko a a sa kopanang, tirisanommogo e gatelela maatla a go dirisana mmogo, kaelo e e seoposengwe, le ponelopele e e kgaoganelwang.

Ka go amogela mokgwa o o kopaneng wa PSM, ga re dirise fela dipholisi kgotsa diitshimololelo, re rotloetsa mowa o o tshwaraganeng mo ditharabololo le ditogamaano di tlhagelelang teng go tswa mo botlhaleng jwa kopanelo. Ke motheo o wa "tsela ya rona" o o netefatsang dipholo tse di feletseng thata, tse di akaretsang, le tse di nonofileng.

Badirammogo ba ba tlotlegang, le

maloko a a botlhokwa a setšhaba sa rona,

Kgwedi eno, re ikaelela go rotloetsa maatla a a kopaneng, a a bonesang tsela e e kwa pele ka manontlhotlho a dikitso tse di kgaoganelwang. John F. Kennedy o ne a gatelela gore, "Boeteledipele le thuto di botlhoka." Polelo e totobatsa lebakalegolo la gore goreng thitokgang ya PSM e baya botlhokwa jo kwa godimo mo bokgoning jwa puso.

Boeteledipele, mo bodiredingpuso, ga bo fela ka go kaela kgotsa go busa; ke bogolosegolo thata ka go gola go go tsweleng, tlhaloganya, le go tlwaela ditlhoko tse di fetogang tsa batho. Fela jaaka go ithuta go itsise ditshwetso tsa boeteledipele, bokgoni jwa puso bo supa boineelo jwa yona kgolo e e tsweleng go direla baagi ba yona ka nonofo.

Fa puso e gatelela koketsokitso, e bontsha boineelo jwa yona mo boeteledipeleng le mo go ithuteng ka bobedi, go tlhaloganya gore dilo tse ka bobedi di amana thata. Se se netefatsa gore bodiredipuso e nna e tsiboga, maatla, le go nna maleba mo maemong a a fetogang ka metlha mme gape ke ka moo Sekolo sa Bosetšhaba sa Puso se na le seabe se se botlhokwa mo tekelelong e ya bokgoni jwa puso. Lefelo la NSG le supa mafoko a a tlhotlheletsang a ga William Butler Yeats yo o buileng bontle a re, "Thuto ga se go tlatsa kgamele, fela ke go gotsa molelo." Ka jalo go ithuta ke selo sa botshelo jotlhe le tlhokego ya bokgoni jwa puso.

Badirammogo ba ba tlotlegang, le

maloko a a botlhokwa a setšhaba sa rona,

Fa re ntse re batla go dira botoka mo thebolong ya tirelo, re tshwanetse go lemoga gore ke maiteko a a kopanetsweng a a fetang diabe le maemo a motho ka nosi. Jaaka Malcolm X a lemogile ka botlhale gore fa re fetola 'nna' ka rona, le bolwetse bo nna boitekanelo." Go fetoga go tloga mo bojosing go ya kopanelong go gatelela kgopolo ya gore maikarabelo a thebolo ya tirelo ga a felele mo magetleng a setheo se le sengwe fela ke maikarabelo a a kgaoganelwang ke botlhe.

Go feta fao, tshwaelo ya ga Martin Luther King Jr. e e utlwisang botlhoko ya gore re "ka bo re tlile rotlhe ka dikepe tse di farologaneng, fela re mo seketswaneng se le sengwe jaanong," e gatelela gore le mororo lemorago, diabe kgotsa maemo a rona a a farologaneng

– e ka tswa e le modiredipuso, badirisi ba tirelo, kgotsa bao ba ba mo boeteledipeleng - rotlhe re na le maikarabelo a go netefatsa gore seketswana se tsamaya ka thelelo. Tirelo e e gaisang ammaaruri ke tiro ya mongwe le mongwe, mme mmogo, fa re le seoposengwe, re ka fenyha dikgwetlho le go atlega.

Badirammogo ba ba tlotlegang, le

maloko a a botlhokwa a setšhaba sa rona,

Fa ke konosetsa, e gakolola gore IPSM ya 2023 e goroga ka nako e e botlhokwa ka puso e betla tsela ya itharabologelo mo dikgwetlhong di le dintsi tsa nako e e fetileng, go akaretsa ditlamorago tsa leroborobo la Covid-19 le go se gole ga ikonomi lefatshe lotlhe. Itshimololelo ya IPSM e dira jaaka sesupo sa seabe se se botlhokwa se tirelopuso e nang le sona mo letlhomesong le legolo la kgolo ya ikonomi le tlhabololo.

Go feta mo ntlheng e ya tiro, go na le tebelelo e e botlhokwa ka go lekana mo semelong le mo moweng wa badiredipuso ba rona. Le fa maatla a ditheo tsa rona mo go lwantsheng dikgwetlho go le botlhokwa thata, re tshwanetse go se tlhokomologe boleng jwa maatla a a leng teng mo badiredipusong ba rona. Semelo, mekgwa le mowa di na le seabe se se botlhokwa mo go iseng ditheo tsa rona kwa pele. Jaaka seane sa Seaforika se re gakolola, " Mawatle a a borethe ga a dire batsamai ka sekepe ba ba nang le bokgoni." Se se gatelela kakanyo ya gore maatla le phetogo ya badiredipuso ba rona, bogolosegolo ka dinako tsa mathata, a botlhokwa. Maatla a ba a bontshang ga a thuse fela mo go samaganeng le dikgwetlho fela gape mo go ageng thulaganyo e e maatla thata, e e akaretsang le e e kutlwelobotlhoko ya tirelopuso.

A re gopoleng gore ka kopano, tshwaragano le ka keteko ya mefutafuta, ga re bonele pele isago e e phatsimang fela re e aga ka matlhagatlhaga. Fa re tsena mo leetong la phetogo le le tshwailweng ke ditiro tsa IPSM, a ditekelelo tseno di dire jaaka thotloetso mo setlhopheng se se maatlafaditsweng le se se ntšhwafaditsweng sa badiredipuso, e seng fela ba ba nang le bokgoni fela gape ba ba ineetseng thata mo go samaganeng le dikgwetlho tsa thebolo ya tirelo.

Ke leboga botlhe ba ba amegang mo go rulaganyeng le go diragatseng ditiro tsa IPSM. Tiro ya lona e e tswileng diatla e dira jaaka thotloetso go rona rotlhe le go bontsha bokgoni jo bo senang selekano mo mokgatlhong wa rona.

E kete rotlhe re ka gatela pele ka maatla a a ntšhwafaditsweng, boineelo, le maikemisetso, re leka go bona isago e e phatsimang mo setšhabeng sa rona le batho ba sona.

Ke lo leboga go bo lo nnile karolo ya leeto le la phetogo.

TONA NOXOLO KIVIET

Letlha: